

communi Ecclesiae constitutione. Vbi aduer-
te, q̄ illa posset dici rationabilis causa dis-
pensandi, propter quā Doctores dicunt pos-
se dispensari, scilicet, pro bono unius Reg-
ni, ut dicunt Richar. & Petrus de Palu. in. 4.
vel propter quam Papa solet dispensare, &
verisimile est q̄ si esset præsens dispensaret.
Et hoc relinquit Papa recto iudicio Prælato-
rum fratrum, qui ait, tantam quantam iudi-
cauerint, quasi dicat. Iudicent quae est cau-
sa legitima dispensandi. Tunc vero recte
iudicabunt dispensandum esse, quando occur-
rit talis casus, in quo Doctores dicunt bonū
esse dispensare. Putā, pro bono pacis, vel u-
nius Regni, ut supra dictum est, vel in quo
Papa solet dispensare, vel quando verissimi-
le est, q̄ Papa dispensaret, si esset præsens.
Quod cognoscēt præfati fratres, per hoc sci-
licet, si videant, q̄ si nō dispensetur, erit Ec-
clesię huius magna iactura, & detrimentum
& scandalum, & periculum fidei, & anima-
rum, tunc enim rite dispensare poterunt pre-
fati fratres. c. quia circa. cum glo. de con-
sang. & affinit.

T5. Advertendum ex dicta litera Bullę, quod 22
personæ super quas hec autoritas omnimoda
datur